

靜

娛

亭

筆

記

靜娛亭筆記目錄

卷六

記貫盛

富貴延長

早達

高年居位

榜運

家運

三元

福壽雙全

字音通用

敦字十二音

甘字十四音

離有十五義

平仄兩用

字音異讀

顏色字

論時文

劉沛工詩

諸葛武侯名言

名臣相引重

夷閨詞

張辛田自壽詩

記翁孝子事

觀書戒欲速

總管內務府

思補齋筆記

劉繼莊通音韻之學

靜娛亭筆記卷六

賀縣張培仁子蓮

記貴盛

西漢金日磾張安世七葉珥貂楊震至彪四世太尉  
袁安至隗四世五公唐蕭瑀八葉宰相他若漢明帝  
時張黼爲三公其父尙在公卿朝罷俱詣黼府奉觴  
上壽身爲帝師歷太尉司空司徒其子復爲和帝侍  
講曾孫濟位至司空東漢耿氏自中興迄建安末大  
將軍九人卿十三人尙公主三人列侯十九人護羌

校尉刺史二千石數十人與漢興衰後漢應氏神光  
照社探得黃金策七世通顯晉王導亦七世通顯宋  
謝莊子朏並爲吏部尙書劉林甫四世典選張嘉貞  
四代掌綸詔李峴李峘李嶧兄弟並列三戟唐崔琳  
與弟珪瑤俱列檠戟號三戟崔家羣從多至大官遇  
宴集一榻置象笏重疊其上周訪之子撫撫子楚三  
世爲益州牧明閩州林太守元美永樂辛丑進士其  
子文安公瀚大司馬文安子九人庭棹大司空庭機  
大宗伯庭楷指揮庭枌慶遠知府庭璣湖州推官庭

楊子炫通政司參議煥及煇並大司空一門五尙書

靈寶許冢宰

進

八子大司空

誥

大學士

讚

大司馬

諭

布政司

詩

父子四尙書餘姚孫忠烈公

燧

子大宗伯

陞

生二子長吏部尙書

鑑

次兵部尙書

鑣

新城王司

徒重光子

之輔

戶部員外郎之輔子象乾兵部尙書

象斗乙未進士戶部郎中象節壬辰進士翰林院檢

討次子之馭浙江按察司之馭子象恆應天巡撫象

春庚戌進士吏部考功郎之垣戶部尙書之垣子象

晉甲辰進士浙江布政司三子之都乙未進士開封

知府之都子象雲辛丑進士參政四子之恒子象賁  
戶部員外郎象賁子與允戊辰進士監察御史興化  
柯英宏治乙未進士子維熊正德丁丑進士維騏嘉  
靖庚戌進士維騏孫茂竹萬曆癸未進士茂竹子昶  
萬曆甲辰進士凡五世進士武進陸愷正德乙丑進  
士弟愉天順庚辰進士怡成化乙未進士子簡成化  
丙戌進士節宏治壬戌進士義正德戊辰進士兩世  
六進士若父子貴顯者宋贈太子太師陳去非子長  
贈侍中文忠公堯佐次贈康肅公堯咨一相中書一

長樞密而堯咨與兄堯叟並狀元及第洪忠宣公

子同平章事文惠公通知樞密院文安公遵端明殿

學士文敏公邁父子並掌制誥漢史丹九子並爲侍

中唐博陵崔僊六子一登輔相五任大僚太常卿邠

太尉鄴尙書郎廷尉郇執金吾郗左僕射鄆邠與鄆

五知貢舉得士一百四十人宋韓忠獻公億之子太

傅絳太子少師維司空慎曹武惠公彬子河陽節度

璋璋章武節度璋定國節度孫西平忠武王李晟子十

三人顯者四人河中節度愿嶺南節度憲涼國公慤



太子太保

縣

晉王祥弟覽孫導至十一世孫褒歷兩

晉宋齊梁陳後周凡七十餘人皆有傳河東裴氏十

代有傳王禹玉爲翰學學士其家自太平興國至元

豐十榜皆有人登科隋唐嘉話載宋敬則家代著孝

義屢荷旌表至門標六闕獨異志唐郭太后代宗外

孫孫德宗外甥順宗之媳憲宗之配穆宗之母敬宗

文宗武宗之祖母又獨孤信三女各生一朝天子長

生周帝次生隋煬帝三生唐高祖又唐苗夫人其父

乃太師晉卿其舅張嘉貞夫延賞子宏靖孫次宗壻

章臬也

富貴延長

漢張蒼以代相封侯歷御史大夫丞相凡五十五年  
壽百餘歲宋文潞公彥博兩爲首相歷太尉太師凡  
五十餘年春秋時管仲執齊政四十一年戰國時廉  
頗爲趙大將四十餘年明黃忠宣福爲尙書四十餘  
年楊文貞士奇在相位四十三年陝西甯州知州劉  
綱在任二十三年徐少師階在內閣三十餘年呂少  
傅本謝文正遷費文憲宏亦三十餘年又張興國公

清史稿卷一百一十五

輔富貴顯赫四十七年其子甯陽公懋九歲襲爵顯

赫六十七年統五軍十二營曾學士榮王文端直徐

文靖溥俱三典會試王忠毅公驥初以尙書提督甘

涼再以尙書討朶兒只伯三以尙書討麓川思任發

四以靖遠伯總軍務討思機發五以思機發復叛又

討之六掛征蠻將軍印討貴州苗七以伯爵兼兵部

尙書總督南京王襄敏公越初以副都御史總督延

綏破紅鹽池虜再以尙書總督大同破威甯海虜三

以威甯伯平山東諸賊號墩虜者四以太子大傅總

督五軍十二營五以平胡將軍北征六以征西將軍  
鎮大同七以靖虜將軍鎮延綏八以太子太保總督  
陝甘軍務凡八爲督帥

早達

霍去病年十八爲嫖姚將軍封侯鄧禹年二十三爲  
前將軍定關中李勣年二十六拜大將軍封英國公  
明早達者楊少師廷和十二舉鄉試蔣文定公冕十  
四中解元李文正東陽費少師宏張文忠公居正十  
六舉鄉試李文正十七入翰林趙中丞時春十六中

會元舒編修宏志十九中探花費少師宏二十中狀

元楊榮胡廣俱三十二拜相徐達二十二爲大元帥

宋王沂公二十七知制誥

### 高年居位

大臣高年居位者伊尹太公畢公召公俱百餘歲北魏羅結一百二十歲始以外都大官致仕鬻熊九十爲文王師衛武公九十五爲周卿士高允九十八爲中書令呂岱九十六爲大司馬士燮九十三爲交州大都督夏侯勝以九十爲太傅張萬福食祿七十年

未嘗一日病壽九十餘王起八十八歲以左僕射同平章事王祥八十四以太保封睢陵公郭子儀八十四歲以太尉中書令封汾陽王趙充國八十餘以後將軍營平侯罷就第九十餘終

### 榜運

明嘉靖壬戌一科鼎甲三人狀元申時行榜眼王錫爵探花余有丁皆蘇人皆拜相

宋太宗崇獎儒學擢高科者多至宰輔太平興國二年至天聖八年二十三榜由呂蒙正而下大用者二

十七人

家運

宋梁灝子固安德裕子守亮張去華子師德皆父子  
狀元明廣東倫諭德文叙曾元狀元長子通參以諒  
解元進士次子以訓解元榜眼少子以詵亦成進士  
兄弟狀元者唐則尹樞尹極崔昭緯崔昭矩歸修歸  
係宋則陳堯叟陳堯咨孫何孫僅宋郊宋祁明長樂  
馬某有一妾生子鐸妻妬不容嫁之同邑李氏生子  
名騏鐸中永樂壬辰狀元騏中戊戌狀元又有父子

高魁者餘姚謝遷以成化甲午解元登乙未狀元子  
丕宏治辛丑解元乙未探花吉水劉應秋萬厯癸未  
探花子同升崇禎丁丑狀元福州林賜林喬父子解  
元莆田黃壽生曾孫乾亨元孫如金三代解元 本  
朝長洲彭定求孫啟豐祖孫皆會元狀元天門蔣立  
鏞嘉慶辛未狀元子元溥道光癸巳探花吳縣潘文  
恭世恩乾隆癸丑狀元孫祖蔭咸豐壬子探花明南  
昌劉一焜弟一煜一燦同舉萬厯戊子科華亭張拱  
端弟履端軌端同舉萬厯壬子科兄弟先後貴顯者



嘉興岳侍郎元聲巡撫和聲太常卿駿聲公安袁宮  
諭宗道吏部宏道南吏部中道太倉周罌弟坤在玉  
兄弟四進士京山李維楨弟維標維柱維極弋陽汪  
佃弟僕俊偉曹縣王崇文弟崇獻崇仁崇儉臨海王  
士崧弟士琦士昌士性武進吳亮弟元奕充亦兄弟  
四進士俱至顯官近日少有卽有之亦不能如昔之  
同得臚仕矣唐闕史載盧丞相渥軒冕之盛近代無  
比伯仲四人咸居顯列乾符初丁母憂服闋渥自前  
中書舍人拜陝西觀察使又一旬其弟涇自前長安

令除給事中又旬日弟治自前集賢校理除左拾遺  
又旬日弟沼自畿尉遷監察御史詔書疊至士族榮

之 本朝新建程中丞枅采嘉慶甲戌進士弟總督

喬采

辛未進士方伯

煥采

庚辰進士常熟翁中堂

存 道光壬午進士長子同書道光庚子進士安徽巡  
撫次同爵以廕生官至湖北巡撫三同龢咸豐丙辰  
狀元工部尙書次曾源中癸亥狀元尤奇者曾源未  
入學以監生

欽賜舉人應會試後

欽賜進士一體

殿試竟魁

天下有無座師無房師 天子爲師之語諸城劉文

正公統勳子文清公孫家宰之曾孫方伯喜海

桐城張文端公英子文和公廷王父子宰相五代翰

林其子孫成進士者又十餘人四川楊制軍遇春以

武員擢封疆子國楨繼起爲總督又世襲侯爵相傳

其有義女數人胡軍門超向軍門榮石軍門生玉齊

軍門愼皆其壻也楊軍門芳亦其舊日書吏浙江許

慎生尚書乃普嘉慶庚辰榜眼子彭壽道光丁未傳

臚兄乃濟嘉慶己巳進士廣東鹽運使乃大舉人廣

東羅定州知州弟乃釗道光乙未進士江蘇巡撫乃裕舉人官知縣

三元

唐有四元崔延翰以其又爲制科首也宋三元則王

相國曾學士真馮樞使京金三元則孟學士宗憲王

僉書宗哲明則商少保輅本朝則長洲錢閣學榮

臨桂陳中丞繼昌

福壽雙全

吳縣潘三松先生奕雋乾隆己丑進士內閣中書升

戶部主事丙午典試貴州告歸家居四十餘年擅山水文字之樂嘉慶丙子重遊泮宮道光壬午重赴鹿鳴賞員外郎銜己丑重宴瓊林賞四品銜其姪芝軒相國具摺陳謝有云臣伯父重登藍榜百五人之選尙有一存我聖朝再宴瓊林二百年以來於斯六見吳下耆英傳爲盛事子理齋太史世璜侍養在籍高壽九十一歲孫遵祁道光乙巳進士由翰林院編修官侍講亦告歸享清福登上壽

字音通用

明徐君義應秋

玉芝堂談奮載古聲有通用者如益

爲翳契爲高阜爲咎虺爲備琵琶之爲輦婆是可作  
視荀子是其庭可以搏鼠宗可作尊尊盧氏爲宗盧氏  
左傳襄公二十五年子產對晉云庸以元女大姬配  
胡公而封諸陳以備三恪恪客古通用衛侯入逆於  
門者鎮之而已鎮卽顓說文低頭以應也昭二十五  
年公徒釋甲執冰而踞冰讀爲棚箭房之蓋冰棚古  
通用漢書兵難陶度陶卽古遙字思元賦顓羈旅而  
無友兮顓古獨字秦方士徐市市又作福字讀爲馮

卽古芾字司馬相如大人賦仙仙有凌雲之氣仙卽  
古飄字 以下並采談薈

敦字十二音

楊用修曰敦有九音灰韻音堆詆也詩敦彼獨宿注  
獨宿不移貌賓戲欲從整敦而度高乎泰山整敦皆  
小邱名元韻音惇大也又姓敦洽衛之醜人又音豚  
敦煌郡名寒韻音團聚貌詩敦彼行葦蕭韻音雕盡  
弓天子之弓一作弭準韻音準布帛幅廣也周禮內  
宰出其度量敦制阮韻音遜左傳渾敦隊韻音對器

名周禮珠盤王敦願韻音頓堅也又太歲在子曰困  
敦號韻音導覆燾一作敦周禮司几筵每敦一几陳  
士元曰敦有十二音一音墩怒也誰何也勉也迫也  
詩王事敦我迫我也一音團詩有敦瓜苦一音堆邱  
阜也又獨處不移貌詩敦彼獨宿一音雕詩敦琢其  
章與弦弓同天子弭弓一音對周禮珠槃王敦一音  
頓太歲在子曰困敦一音導一音準一音豚大也一  
音敦一音佻所引與用修同一音燉義同愾溷惡也  
一音隊懟同怨也其十二音又孟子使虞敦匠事又



有董治之義又軍後曰敦逸周書武順解一卒居前  
曰開一卒居後曰敦亦音堆

### 苴字十四音

字音不可不細辨如句有四音虞韻音拘須句地名  
尤韻音籌句吳地名句踐越王名宥韻音遘句當遇  
韻音據章句又句容縣名差有七音支韻音疵參差  
不齊也皆韻音釵使也夫差吳王名歌韻音磋禮記  
御者差沐以米潘爲沐也又景差人名麻韻音义不  
相值也個韻音挫跌也過也周禮注有差分重差之

說賁字有七音彼義切卦名禮記廣賁之音作而民  
剛穀荀子下比周賁潰以離上音父吻字切又沸也  
穀梁傳覆酒於地而賁方問切禮記賁軍之將與僨  
同又音肥周勃爲襄賁令又姓黔布傳趙將賁赫又  
音墳六也尙書周宏茲賁淮南子鼃三足爲能龜二  
足曰賁食之殺人骨肉化爲水又音奔尙書虎賁三  
千又音番山海經桂林八桂在賁禺又音渾韓文注  
陸渾山古作陸賁苴字十四音一切閭切麻也子閭  
七苴叔也子旋切賈誼傳冠雖敝不以苴履師古曰

直履中之藉布交切天直地名在益州見史記注子  
邪切菜壤也獵場也似嗟切苴咩城在雲南鉏加切  
詩曰木中附草也水草曰苴一作洿今作渣又都賈  
切土苴不精細也側不切糞草也側魚切說文酢菜  
也莊俱切姓也漢有苴氏則吾切芋藉祭將預切糟  
魄也子余切苞苴囊貨也

離有十五義

字義之多莫如離離別通訓也卦名見易黃離倉庚  
見說文大琴曰離見爾雅流離鳥名見毛詩長離鳳

名見相如賦織離馬名見李斯書又陸離參差也見  
文選木名見孔子世家水名見地理志人姓見氏族  
志江離草名接離冠名見字書公羊傳二人會曰離  
會謂各是所是各非所非不能定也又艾字有十二  
義說文水臺也卽今靈艾老也曲禮五十曰艾屈原  
九歌舞幼艾少長也爾疋艾厯也郭注長者多所更  
厯也詩朕未有艾又養也爾疋頤艾育養也詩福祿  
艾之又美也孟子知好色則慕少女又過半也詩夜  
未艾治也詩或肅或艾又息也左傳襄九年大勞未

詩妙事詩 卷五  
艾又安也詩保艾爾後又懲創也魏相傳無所懲艾  
又修也孟子有私淑艾又姓

### 平仄兩用

白樂天詩羌管吹楊柳燕姬酌蒲桃銀含鑿落蓋金  
屑琵琶槽張祐詩生摘枇杷酸白詩四十著緋軍司  
馬男兒官職未蹉跎一爲州司馬三見歲重陽武元衡  
詩惟有白鬚張司馬不言名利尙相從爲問長安月  
誰教不相離綠漲東西南北水紅闌三百九十橋十  
音譜唐彥謙詩燈檠昏魚目薰爐咽麝臍王建詩每

日城南空挑戰李山甫詩黃祖不憐鸚鵡客誌公偏  
賞麒麟兒元微之詩欲終心懶慢轉恐意闌散張曲  
江詩征鞍稅北渚歸帆指南郵帆音梵

字音異讀

瀧水之瀧音雙肅爽之爽音霜月氏之氏音支角里  
之角音祿先零之零音憐獻尊之獻音荷選懦之懦  
音軟平反之反音番服匿之匿音避休屠之屠音儲  
鬱壘之壘音律虔劉之劉音盧井幹之幹音韓羨門  
之羨音延陳蔡不羹之羹音郎僕區之區音歐涑水

之涑音洩母追之母音牟逕庭之庭音聽虹縣之虹音絳共張之共音公結轂之結音繫貧肩之肩音墨

顏色字

馬名照夜白鷹名海東青杖名孟青枷名彌尾青閭州參軍黃涉婢曰笑春紅珠有結絲義渠貢馬名茲白元司閹者曰八刺哈赤佩囊鞬侍左右者曰火兒赤珮弓矢守禦者曰闊端赤圍人曰阿塔赤主服御者曰速古兒赤主酒者曰荅刺赤主膳者曰博兒赤侍衛曰溫都赤奏樂者曰虎兒赤典文史者曰必闍

赤獵者曰怯憐赤譯者曰怯里馬赤清異錄檳榔名  
洗瘴丹荔支譜有一品紅麝囊紅爾疋一染謂之縹  
再染謂之窺三染謂之縹皆丹汁考工記云三人爲  
纁五入爲緇七入爲緇廣雅碧縹緇蒼青也彤丹朱  
縹赤也對藪黼黃也皁皁皁白也黼皂黼黑也近黑  
曰弋淺黃色曰緇皂色爲昀又青別爲蒼赤別爲朱  
黃別爲黔白別爲縹黑別爲元逸疋白加青爲碧西  
方間色白加朱爲紅南方間色黑加赤爲紫北方間  
色青加黃爲綠東方間色白樂天詩晴沙金屑色春



水麴塵波稽含南方草木狀鶴子草蔓生花麴塵色  
周禮皇后六服有鞠衣鄭注黃桑色如麴塵蓋淡黃  
色

論時文

朱香生曰碑志與紀傳不同碑志或奉敕撰擬或素  
與其人交誼其後人涕泣請求則體兼頌贊稱善  
不稱過體例本如是也若紀傳則可據事直書美惡  
自見後代諛墓之風盛行又悞以紀傳爲碑志滿紙  
諛詞見者生厭而紀事之文廢矣六藝皆源聖道學

者各以所得筆之於書故言之有物而行之有效入此盛行道歸一孔千篇萬卷人人相同而說理之文又廢矣其言頗新

愚按古文與時文體例不同其論碑志與紀傳是矣若言說理之文則爲論爲說爲辨爲語錄門徑甚寬不比紀傳之有忌諱儘可各抒所見以勒於簡編或純或駁徐待後人之品騭可也若八股乃應試之文與古文門徑不同如云因八股而說理之文廢未可也八股之弊在剿襲在敷衍而豪杰

青如子集言  
卷一  
之士亦有以根柢之厚發而爲議論之精者此事  
實非易爲此境實不易造舉人進士雖多真能辦  
此者有幾人哉益考訂詞章經濟三者均不能出  
其範圍也

國家用以取士立意深矣

劉沛工詩

龍山劉沛孤介工詩有懷人絕句數章語多精確黃  
海華云心源志術辨無差能吏通今古法家可惜兩  
京賢牧伯苦吟詩句老天涯郭筠仙云海浸高樓月

似霜。安西旌節等投荒。船山自有經傳在。不用恩封。  
異姓王。羅硯生云。徵文識字老。爾精樸學無華愛硯。  
生五十年來名下士。從無書札到公卿。孫芝房云。風。  
流三楚真名士。詞賦乾嘉好翰林。不駕輶軒持玉尺。  
一生辜負愛才心。郭檣姿云。字法兵韜曲曲賅。靈犀。  
分應妙能裁。茂陵擬奏通天表。第一軍機秉筆才。朱。  
香生云。短衣長劍走江湖。肝膽無雙氣太粗。猶喜。

聖朝文網闊。不成詩獄逮髯蘇。

郭意城京卿。真齋。爲鶴仙中丞之弟。以名孝廉。

隱居求志、偕其弟志城觀察讀書、談道於空山  
中、蕭然自得、志城卽胡文忠公集中所稱郭三  
先生者、欲延之幕府爲將來替人、堅臥不出、一  
時有河東三鳳之目、意城以蒿目時艱、有澄清  
之志、當局諸公、延襄軍務、慨然出而任之、籌兵  
籌餉、挽回元氣於無形、東南漸就肅清、當局者  
臚陳其運籌之績、屢荷

特旨褒嘉、清卿晉秩、咸推爲湘陰相國、出山後、非此  
公不克應此艱鉅之任、以收戡定之勳、使人直

軍機於內外利弊早已了然誠如詩中所云靈犀妙應者與利除弊其樹立更宏達矣

皋蘭朱香生

克勤

官龍山典史賊至力保危城

巡撫惲公奏請破格擢龍山令雖奉部駁而一時莫不知有朱典史者位不副才人咸惜之詩筆清麗神似牧之義山吾尤服其病目後猶力疾著書胥關乎軍國大事洞中肯綮不爲迂濶之談亦奇士也

諸葛武侯名言

與學下教云夫參署者集衆思廣忠益也若遠小嫌  
離傾違覆曠闕多矣違覆得中猶棄微跡而獲珠玉  
雖徐元直處茲不惑又董幼宰參署七年事有不至  
於十反來相啟告苟能慕元直之十反幼宰之啟  
告殷勤則亮可少過矣

昔交州平屢聞得失後交元直勤見啟誨雖鄙闇不  
能悉納然與此數子終始好合亦足以不疑於直言  
今欲減兵省將明罰思過較變通之道於將來自今  
以後諸有忠慮於國但勤攻吾之闕則平賊之功可

躊躇而待矣

自用者鑒之

誠子書云君子之行靜以修身儉以養德非澹泊無以明志非甯靜無以致遠夫學須靜也才須學也非學無以廣才非靜無以成學惰漫則不能研精險躁則不能理性

論交云勢利之交難以經遠士之相知溫不增華寒不改葉貫四時而不改厯夷險而益固

論將云貴而不驕勝而不恃賢而能下剛而能忍此之謂禮將奇變不息動應有端轉禍爲福因危而安



此之謂智將賞不逾時罰不避貴此之謂信將知其  
飢寒悉其勞苦此之謂仁將臨事無苟免不爲利撓  
此之謂義將見賢若不及從諫如順流寬而能剛簡  
而能詳此之謂大將

出軍行師以整爲勝若賞罰不明法令不信金之不  
止鼓之不進雖百萬之師無益於用

勵士云夫用人之道等之以爵贍之以財則士無不  
奮矣接之以禮勵之以信則士無不死矣畜恩不倦  
法若畫一則士無不服矣先之以身後之以人則士

無不勇矣。小善必錄，小功必賞，則士無不勸矣。  
自勉云：驕者毀，至慢者禍，及多詔者寡信，自養者少  
恩賞，無功者離罰，無罪者怨。

### 名臣相引重

知己難逢，大才尤不易得。一旦牙琴相遇，其快慰誠  
有難以言喻者。其交相推重，非出於標榜之私，實由  
於秉彝之好。後世溯其遺風，猶爲之追慕於無窮焉。  
試觀王鳳洲尚書世貞賀王元馭錫爵入相敬云：伏  
維某宮中吳孕秀，東海涵靈，知崇禮卑，動由成性，規

行矩步、妙合自然、自魯連拂萊海之衣、而嚴令系桐江之鼎、南陽隱士、獨稱臥龍、洛下兒童、皆知司馬、傅巖特召、不藉金張之援、漢殿同升、其推丙魏之美人、皆望之植、同已排異已、公不謂爾、渙小羣成大羣、爲國則舉不避讎、遠嫌則恩無歸已、此蓋一人之有慶、以致三后之協心、謂青宮一品已堅辭於達書之辰、彼素絲五紵、實遠渝章甫之貴、非故奪公之守、殆將伸國之經、某等素切儀型、遙深踴躍、惟詔功詔德、自古則然、而有君有臣、於斯爲盛、皇天之產名世已過

五百餘年。賢者之在中書。何妨二十四考。可謂善願。善禱。及觀元馭相國之序。其倉州遺稿。實爲其時大手筆。其心悅而推服之。誠有不能已於言者。序曰。明興二百年。薰釀至嘉隆中。文章始大闡。薦紳先生。結軫而修竹素。乃其著述之富。體製之美。莫如吾友大司寇元美王公。計公弱冠登仕中所經。大艱大危。沉廢數年。又服官四方十餘年。旣與予結菴休老。瑯邪自永嘉以遷長淮之秀。全注於海。海上十年間。有榮光浮而休氣塞者。其在公歟。其在公歟。夫海月而潮。

風而波彼積潦之區湧之亦潮揚之亦波然海能爲  
衆水而衆水不能爲海則有餘不足之符自然異也  
當公少時一二雋士句字徑度不能有所震發欲  
藉大力者爲幟而以虛聲感公公稍以矜蹕應之不  
免微露有餘之氣而頌建雲委要歸於雄渾殆其晚  
年閱盡天地間禍福盛衰之倚伏江河陂谷之遷流  
與夫國是政體之真是非才品文章之真脉絡而慨  
然悟霜降之旨於紛醞繁盛之時故其詩若文盡脫  
去角牙纏縛而以平澹自然爲宗類廣而託微志苦

而節甘采流而神浩泱泱乎球鐘鳴鳥獸舞宮商鳴  
草木動因應變化而不知其所以然譬之於海惟是  
汪洋浩渺之德以吐納百川而豈必待夫怒濤顛波  
激風蒸雷陰火夜然蜃市曉結駭然見所未見乃稱  
大哉世人耳論每嘆古今人不相及夫古人趣簡風  
質無苞苴竿牘之糾紛無毀譽恩仇之窘束要以各  
抒所見而止故於達意不難叔季猥鄙誰復免此藏  
心墨兵恣日月旦於此時也紛然獻酬羣好而能各  
暢彼我妙合古作者之法此不已較難乎蓋公晚而

始好子瞻也夫以子瞻之才世之既降已不免馳騁  
議論以見奇吾元美獨能離今之獻酬賡唱而自爲  
元美哉夫今世固貌尊元美矣輒曰此遷也此固也  
此漢魏此盛唐夫必遷必固必漢魏盛唐句字而儀  
之當公之時蓋亦有優於飾畫者矣未數年而新陳  
相變已索然不見其有夫惟作者心之靈氣恍惚自  
來與腐神奇與時相爲無窮如槐柳榆柞皆凡火也  
而可變萬物故嘉隆之間與公結軫而起者皆以公  
重非能重公者也

夷閨詞

仁和高古民觀察錫恩有夷閨詞云綠楊陰裡足徘徊

徊金碧樓臺絕點埃寄詔儂家赫土勃夷婦稱夫之謂明朝

新馬試騎來兩耳金牌映臉霞不施脂粉自妍華島

夷也有傾城色唐代休將號國誇又云纖指承來手

記新杜堙而立夷人新婚之稱及時春

張辛田自壽詩

桐城張辛田大令用糖博學工詩人有風趣兼諳當

代掌故酒酣耳熱議論風生聽之令人神爲之旺情



以直言忤權要去官在閩中貧不能歸仍以賣文爲  
活爲諸侯座上賓今見其七十自壽詩七律十四章  
知先生年愈老興愈豪有安貧樂道之風可愛亦可  
敬也詩云薄宦浮沉計卅年回頭身世兩茫然幾曾  
夸父能追日却羨癡翁號信天春夢都同雲過眼冬  
烘那管雪盈顛請看老圃餘霜菊人共黃花晚節堅  
追思小小帶經鋤老屋三間榜愛餘燈蓋四聲知轉  
韻籬經一旦剩遺書庭懷鯉對言猶在家近龍眠畫  
不如二百年來舊堂構難從瓦礫認先廬

先文和公  
舊第已遺

賦秋賦秦淮憶盛時。丁簾午夜玉簫吹。三年空袖襦  
衡刺。一悞真成博浪椎。虎踞只爭新戰壘。燕飛誰唱  
舊題詩。未窺月殿霓裳譜。天上嫦娥笑我癡。聞道  
皇州仕路寬。也曾索米向長安。壯心枉說芙蓉鏡。宦  
味翻思苜蓿盤。烏養關心求薄祿。魚鹽低首就粗官。  
金臺吟社誰提唱。許領偏師到將壇。憐才好學仰賢  
王。智館交到忘年勢亦忘。適館近依丹鳳闕。解衣  
慨贈白狐裳。酒頒竹葉忙中使。米饋桃花出上方。  
愛我新詩清似水。玉山泉味更清嘗。智勇親題最上

頭校書天祿幾春秋。卑微敢謂攀鱗近。甄叙都教附  
尾優。萬卷一時緇。鶴籙十年兩度覲。龍樓鼎湖  
驚報。升遐日。海嶠孤臣淚雨流。千水千山繞十閭。  
宦游無地不艱辛。清操肯把初心負。公論曾由衆口  
伸。誰譖明珠歌薏苡。竟鋤芳草當荆榛。時危翻喜休  
官早。垂老天教作幸民。敢誇典冊用高文。不過人云  
我亦云。斗北御門新政治。粵西鐫石大功勳。祠崇  
名宦歌棠蔭。臺傍隣霄說荔雲。至竟何如碑沒字。免  
教此腹負將軍。文昌珠氣照東南。星使逢人說士甘。

竿客滿門吹一一石交閒徑望三三。階連芝草慙鱸  
席。坐近椿庭接麈談。今後焦桐誰賞識。樹猶如此我  
何堪。厲公眷屬尚團圓。海上浮家有釣竿。嬌女嫁遲  
將壻選。孤孫養大當兒看。僅慙違約干言費。妻病持  
家百事難。慙愧冰銜空獎飾。人疑此老再彈冠。苦中  
樂趣數平生。降盡羣魔自築城。知己朋儕爭染翰。娛  
人房老解調羹。奇看劍氣杯邊引。妙觸詩心枕上成。  
風月無窮一長嘯。卧遊萬里任縱橫。何時跨鶴返鄉  
關。蝶夢還還往復還。每效杞憂思遘地。未酬向願且

遊山琴猶可與貧休患筆尙能畊老不閒但願澄清  
堪坐待殘年日日盼刀環

記翁孝子事

彭石原先生記翁孝子事曰武陵陳庶常宗五爲翁  
孝子徵余詩復文以紀其事余嘗讀柳子厚襄陽丞  
趙公矜墓志云公矜死柳州十七年其孤來章徒行  
求其墓所不得哭於野卜於秦詡兆曰乙巳於野宜  
遇西人深而髯其得實因七日發之乃覩其神明日  
遇一叟曰是故趙丞兒耶吾曹信也指其墓地已夷

敬士自乙至辛恰七日發之緋衣緇衾見者出涕以  
來章之孝神付是叟與龜也余嗟異之以爲朱壽昌  
之獲遇其母未足爲神矣今觀翁孝子之事則更有  
神於子厚所志者孝子名運標餘姚人父曰大環客  
游粵西泊零陵新塘夜登岸不返同舟者有戚友停  
泊數日徧索之無有疑其他適馳使告其家并歸其  
行篋篋鍵以鑰其鑰則大環平日自繫於帶與之俱  
往矣方大環出游時運標與其兄運槐俱孩幼稍長  
母鄔氏告以父形貌兄弟泣別母求父祈諸神有意

外得生還兆語兄與弟更番迭訪躬負擔操舟備嘗  
險阻者十餘年虛歸壘卜兆如前終無從得迨運標  
成進士母及兄俱沒距父出游時已三十六年矣運  
標痛切辭家誓不得父不歸祈神兆仍如前語往來  
湖南北又從豫章入東西粵無可奈何頻數溯洄衡  
湘間號哭感行路影響寂然猶不絕望哭求不輟至  
新塘悲愈甚一老叟問故嘆曰白沙洲墓中人真而  
父矣運標叩其故叟具道其弟海生某年墮水隨流  
託葦叢幸不死願視其旁有一屍海生旣攀援上岸

言之余其憐而瘞之運標計年時相符詢其姓名曰  
鄭海還年八十海生死已逾年訝其兄弟名與兆語  
生還合復求其徵叟曰昔瘞時有雜佩數事年久銷  
滅無有矣今惟一鑰存運標隨往雇急足挈鑰證之  
伯姊姊見鑰泣曰是遺篋鑰也試之胎合還報運標  
慟絕始知其父之淹於新塘而瘞於白沙洲感神之  
稠疊示兆不爽也求諸土人丐其地高其塚立祠其  
旁櫛踴成禮依棲泣血今運標由武陵令擢道州牧  
距墓密邇時至其地徘徊嗚咽不勝夫楚人競傳其



事能詩者多爲詠歌以稱其孝夫公矜之死十七年較三十六年爲近且公矜仕者人皆耳而目之非若大環韋布之士暮夜溺水而無人知者藉使天不假手於海生之墮水以瘞之又不延八十叟海還之年以告之復不留徑寸之鑰以證之則運標求之雖勤其父終不可得矣雖然精誠之至通乎神明格於異類而況一體之親乎翁孝子之事固神奇然感應之理則甚平平也世之人子日侍父母膝下而精誠不洽相去不可以道里計者聞孝子之感神人詎無忤

然有動於中哉

孝子之奇行實孝子之庸行也得此有功世道  
之文可以不朽矣

觀書戒欲速

吳縣潘文恭師曰昔諸城劉文清公嘗詔予曰學者  
觀書不可欲速先文正公嘗召見

高宗諭以看書之法看此書如無他書能看一卷者  
止及其半既省目力又養心神書亦漸次看到若急  
欲看完必生厭倦徒多無益也我輩皆宜奉以爲法

予心識之弗取忘

總管內務府

潘文恭公曰總管內務府大臣六缺向以大學士尙書侍郎派充間有科甲出身者道光乙巳小山冢宰恩桂孔修大司馬文慶元修少宰福濟靜濤少農栢俊松岑少農花沙納皆翰林出身向所未有也道光丁酉余與鶴舫省厓兩相國王庭尙書孔修侍郎同在樞垣煦翁同年以滿漢同堂五人皆翰林爲從來未有余謂五人皆秀才出身尤一時遇合之巧

思補齋筆記

潘芝軒師相思補齋筆記皆關朝廷之掌故記儒  
者之榮遇今摘錄數條以備遺忘恩福堂筆記云故  
事業師中式如出弟子之門榜發後弟子先拜師謂  
之辭師師隨即來謁弟子從此稱謂改易矣余謂師  
於弟子感知遇之恩固宜致敬弟子於師受教誨之  
益豈可便忘自應各盡其道方爲允協余於甲子典  
試浙江第三十三名錢翼士槐與光祿公同案入泮  
後四十年出余門年六十餘矣謁余執弟子禮甚恭

余不敢以師道自居蓋亦各盡其道云爾推之父及

伯叔父同年亦應仿此至兄弟及己之同年則以師

生爲重也乾隆己酉吳江沈庚亭孝廉宗德與子芷

堂舍人欽臨同榜舉人通榜稱孝廉爲年伯舍人稱

通榜亦然道光甲午江南通州孫鼎菴廷元及子蘭

檢銘恩同榜蘭檢連捷入翰林戊戌會試分校浙江

鈕松泉福保出其門中狀元亦甲午同年爲師生甲

辰蘭檢爲宮庶鼎菴成進士出何根雲庶子桂清之

門何與蘭檢乙未同年以年家子爲房師亦僅見者

五典春闈者五人孝感熊文端公賜履康熙癸丑甲

戌丁丑庚辰癸未長白文莊公德保乾隆癸未己丑

庚子辛丑甲辰韓城王文端公杰乾隆乙未戊戌丁

未己酉庚戌歙曹文正公振鏞嘉慶辛未丁丑道光

癸未己丑癸巳長白相國穆彰阿道光癸未壬辰乙

未戊戌乙巳七典鄉試者二人長洲彭芝庭先生啟豐

雍正己酉河南壬子雲南乙卯江西乾隆丙辰山東

辛酉江西壬午浙江乙酉順天南匯吳白華省欽乾

隆戊子貴州庚寅廣西辛卯湖北己亥浙江壬子江

西甲寅浙江乙卯浙江

本朝三世爲宰相者長白文恪公升泰子文端公升  
繼善孫文恪公慶桂父子爲宰相者長白文端公高  
晉子文勤公書麟文勤公阿克敦子文成公阿桂文  
忠公傅恒子文襄公福康安大學士溫福子文襄公  
勒保桐城張文端公英子文和公廷玉常熟蔣文肅  
公廷錫子文恪公溥無錫稽文敏公曾筠子文恭公  
璜諸城劉文正公統勳子文清公鏞

修撰至大學士者武進呂宮聊城傅以漸崑山徐元

文金壇于敏中韓城王杰大庾戴衢亨迨余而八至  
協辦大學者一番禹莊有恭

三試皆第一人者二人乾隆辛丑長洲錢棨嘉慶庚  
辰臨桂陳繼昌祖孫會狀康熙丙辰彭定求雍正丁  
未彭啟豐祖孫鼎甲雍正甲辰榜眼王安國嘉慶己  
未探花王引之父子鼎甲康熙丁未狀元繆彤乙未探花  
繆曰藻康熙癸巳榜眼任蘭枝乾隆丁巳榜眼任端  
書乾隆乙丑探花汪廷璣辛丑探花汪學金嘉慶辛  
未狀元蔣立鏞道光癸巳探花蔣元溥嘉慶己未榜



眼蘇兆登道光丙申探花蘇敬衡兄弟鼎甲順治己亥狀元徐元文康熙庚戌探花徐乾學癸丑探花徐秉義康熙丙辰狀元彭定求壬戌榜眼彭甯求乾隆乙丑榜眼莊存與甲戌狀元莊培因

六代翰林者桐城太傅張文端公

英

康熙丁未翰林

子廷瓚己未翰林官少詹事廷玉庚辰翰林官大學士謚文和廷璐戊戌榜眼官禮部侍郎孫若潭乾隆丙辰翰林官檢討若霽雍正癸丑翰林官內閣學士若際乾隆乙丑翰林官內閣學士若需丁巳翰林官

侍講曾孫曾做辛未翰林官少詹事元孫元宰嘉慶

壬戌翰林官編修來孫聰賢辛酉進士入翰林改知

縣 四代翰林者靜海勵文恪公 杜訥 初官福建州

同以工書薦直南書房康熙庚戌授編修官至侍郎

子廷儀庚辰翰林由編修官至尙書 謚文恭孫宗

萬辛丑翰林官侍郎曾孫守謙乾隆乙丑翰林官沈

馬常熟蔣伊康熙癸丑翰林官提學道子廷錫癸未

翰林官大學士謚文肅文肅子溥雍正庚戌進士由

翰林官至大學士漣康熙己丑翰林官太僕卿文恪

子槐乾隆辛丑翰林官至兵部侍郎無錫秦松齡順  
治乙未翰林官檢討緣事罷康熙己未 召試鴻博

復官檢討官至諭德子道然乙丑庶常改編修官禮  
科給事中靖然壬辰翰林給諫子蕙田乾隆丙辰探  
花官至刑部尙書 謚文恭文恭子泰鈞乾隆甲戌

翰林官編修商印陳濂乾隆丙戌翰林官編修子杲  
嘉慶辛酉翰林官編修孫焯辛未進士改庶吉士曾  
孫壇道光乙未翰林給事中湖南學政長白定圃尙  
書文莊公德保乾隆丁巳翰林子煦齋協揆癸丑翰

孫玉庭尙書奎照嘉慶甲戌翰林芸圃通政奎耀辛

未翰林曾孫子受宮庶錫祉道光乙未翰林

三代翰林者濱州杜石樵少宰塏嘉慶辛酉翰林子

芝農尙書道光癸未翰林孫繼園編修翰甲辰翰林

雲巢學士翹乙未翰林石樵以少宰致仕年逾八十

子孫接武清華洊躋通顯可稱盛事

同胞兄弟並登科者毘陵莊絳之子楷康熙癸巳進

士國子監司業樞庚子舉人湖北黃梅縣知縣敦厚

雍正甲辰進士直隸西甯縣知縣大椿已酉科舉人

四川射洪知縣柱丁未進士浙江溫處兵備道柱子  
卽榜眼存與狀元培因

大興邵楚帆總憲自昌乾隆戊戌翰林弟自華自悅

自本自和自翼自彭同胞六舉人一副貢

閩縣葉毅菴少詹觀圖乾隆辛未翰林子申棻嘉慶

壬戌進士申謨乾隆乙卯舉人申苞嘉慶戊午舉人

申萬嘉慶乙丑翰林官至高廉道申薌巳己翰林河

南府知府

吳縣張氏五子登科 副都御史孟球康熙乙丑進

士學庠康熙己丑進士工部郎中應造乙未進士翰林侍講學士紹賢己丑進士四川保甯府知府企齡戊子舉人戶部員外郎景祁雍正癸卯舉人廣西武宣縣知縣

錢唐許小范先生

學范

乾隆壬辰進士刑部員外郎

子乃來乾隆癸卯舉人江蘇太倉州知州乃大嘉慶辛酉舉人江蘇海州知州乃濟己巳翰林太常寺少卿乃穀道光辛巳舉人甘肅敦煌縣知縣乃普嘉慶庚辰榜眼兵部尙書乃釗道光乙未翰林江蘇巡撫

乃恩癸卯舉人七子登科海內所未有伯兄季弟先後六十年俱於癸卯科爲先後同年尤爲科目中僅見事

侯官廖封翁世有陰德子鴻翔嘉慶戊寅舉人鴻禧道光乙酉舉人鴻苞嘉慶丁丑翰林江蘇督糧同知鴻藻己巳翰林江西督糧道鴻荃己巳榜眼工部尙書寶坻李東亭太守光先乾隆戊申舉人江西贛州府知府子藩甲戌進士江西建昌府知府蒯道光壬午進士由翰林官副憲繩癸未進士由翰林官通

政司副使莊戊戌進士戶部主事薈己亥舉人福

州曾霽峰刺史

暉春

嘉慶辛酉進士子元基道光乙

未舉人元頰己丑進士元海壬午進士翰林督學粵

西元燮戊戌進士元澄辛卯舉人孫兆鰲庚子進士

仁和蔡小霞方伯

廷衡

乾隆戊戌榜眼兄子毅堂

都轉其武乾隆辛丑翰林子麟洲太守振武道光丙

申翰林毅堂都轉孫飭菴辛丑翰林麟洲屬余書祖

孫父子叔姪兄弟翰林額因記之

道光癸未會試分房許魚南

應藻

邵丹畦

甲名

兩編



修戊戌會試分房李仙九芝昌乙巳會試蔡劬菴念慈

戴醕士熙均未與考差而得者

乾隆壬午大庾戴箕圃編修第元充江南副考官庚

子可亭編修均元癸卯蓮士修撰衢亨丙午石士編

修心亨父子兄弟先後典試江南丁酉箕圃給練充

湖北副考官己亥蓮士修撰充正考官則父子先後

典試湖北嘉慶丁卯程鶴樵御史國仁充陝西正考

官戊辰小鶴編修家晉充陝西副考官則父子先後

典試陝西乾隆戊子箕圃以御史任湖北學政丁未

石士以編修任湖北學政則父子先後視學湖北嘉  
慶己未吳烜以編修任江西學政道光丁酉子其藩  
以閣學任江西學政則父子先後視學江西乾隆戊  
戌箕圖以給諫任安徽學政乙卯可亭以御史任安  
徽學政則兄弟先後視學安徽庚子吳白華師省蘭  
以學士任湖北學政戊申稷堂先生省欽以中允任  
湖北學政則兄弟先後視學湖北朱竹君編修筠於  
乾隆己亥視學福建庚子石君先生珪以待讀來代  
白華師於乾隆庚戌以工部侍郎任順天學政辛亥

稷堂先生以閣學來代乙卯白華師復以工部侍郎代之兄弟接任尤爲難得之佳話

道光乙巳會試楊簡侯宮贊

能格

與分校是科覆試

第一羅嘉福

殿試第一蕭錦忠

朝考第一孫鼎

臣皆出本房亦佳話也余門生之子又爲門生則如

蘇樸園廉訪

北登

爲余已未分校所得士子敬衡丙

申會試出余門戚蓉臺洗馬

人鏡

浙江甲子鄉試所

得士子貞道光庚子會試出余門吟濤通政穆馨阿

戊辰鄉試所得士子三壽庚子會試出余門陳小坪

刺史鼎燮壬辰會試所得士子鍾芳丁未會試出余  
門戊辰鄉試瑞林錫旂壬辰會試惠林錫檀丙申會  
試和純庚子和潤壬辰瑞常趙霖丙申瑞慶趙楫丙  
子湯雲林庚子湯雲松丙申伍濬祥丁未伍奎祥己  
亥鄉試蕭時馨庚子會試蕭時馥壬辰莊心省丁未  
莊心庠丙申周沐潤周源緒同榜己亥舒樺慶樟鮑  
庠鮑康吳台朗吳台壽焦祐澐焦祐瀛皆兄弟同榜  
阿克丹己亥所得士子福全丁未會試父子同榜出  
余門尤爲佳話

道光壬辰余典春闈吳崧甫少宗伯朱桐軒少司馬  
季仙九少宰爲三鼎甲丁未科桐軒與余並爲總裁  
仙九知貢舉及廷試三君俱與讀卷爲盛事因紀  
以詩云霓裳曾記頌羣仙使節分馳會合難彈指光  
陰幾鷗率同心臭味是芝蘭胸羅武庫今推杜手障  
文瀾夙仰韓更喜春官舊桃李傳衣先向榜頭看吳  
崧甫和云浴公矍鑠望如仙匹掌冰衡自古難鵠立  
荀班皆國幹燕貽藻鑑及階蘭傳衣故事漸和范點  
筆聯吟羨孟韓鳳唼堂前翹首近銓材愧作局中看

朱桐軒和云三朝領袖閭蓬仙。裴皞文名未足難。廣  
座朋簪陪杖屨。東堂衡鑒出荃蘭。蜂腰兄弟參三李。  
燕翼門庭邁八韓。十五年前一回首。殊榮豈作等閒  
看。季仙九和云。四度珠衡重選仙。八旬朗鑒豈公難。  
喜承湛露皆溫樹。新被春風自上蘭。同榜昔容參沈  
準。傳衣今更勝王韓。記從櫻筍厨開後。千佛名經許  
早看。

吾鄉彭南畝先生。定求父雲客先生。順治丁酉舉  
人。康熙初官粵東長甯令。有惠政。以公事忤大吏。遭

誣去官禍幾不測南昀先生時爲諸生聞難急赴以  
穹窿山施真人亮生道行高妙往來之齋沐執香徒  
步上山至半嶺真人迎出曰君來意吾已知尊公可  
無事宜速往遂於除夕冒雪登程挾兩蒼頭走數千  
里攀嶺涉龍一月而抵長甯道逢真人還迎謂曰尊  
公事已解亟往迎還吾亦從此逝矣及至廬父子相  
向痛哭見者皆感動逾年歸里究不知其何以得免  
也後至穹窿山訪真人已他往不復得見甲寅春先  
生夢一神人示以榜有丙辰會狀字謂曰上帝以

汝有孝行特命預期宣示以著獎勵且欲使世間知  
有感應耳先生果以丙辰舉禮部及廷試皆第一  
授修撰以待講告歸孫芝庭先生啟豐雍正丁未曾  
狀官至兵部尙書子孫科第綿延至今鄉里榮之  
王文端公杰未第時館於山西某中丞幕中同事有  
王先生者紹興人精於占課幕中人敬信之公獨未  
之信也秋間將歸陝應試請先生定行止先生占畢  
起賀手書一紙封固藏之曰他日請驗公必欲得之  
不許正相持間主人至問何事告之故主人曰如此



我當代爲收之及歸就試榜發中副車仍至館責先生曰何以誑我先生曰息壤在彼可驗也因向主人索觀折封有中式副榜第八名七字公益奇之庚辰秋試又問卜於先生曰今科正榜無疑但似元非元得魁爲妙榜發中式第七名是科解元則雷爾杰也辛巳春至京會試甫下車先生亦至令占會試若何曰斷不可得會元如中第十名則大魁可必從此前程遠大福壽無量公曰我已四十歲矣敢妄想耶是年公會試固中第十名 廷試第一官至東閣大學

士王省厓鼎爲余言之

曹文正公語余曰稽文恭公嘗自言生平一無善行  
仰荷國恩遽躋高位不解所由惟記年十五六時  
隨侍太夫人卧榻夜分起至院中小遺有一婢卧房  
外榻上露半體以手招之心頗動欲就之忽轉念有  
傷陰隲急趨入戶上床猶怦怦也太夫人問故以實  
告太夫人曰此關人名節斷不可出詣口明口卽喚  
其母來今其領回擇配不索身價母女感激拜謝而  
去或是此一節便爲陰德耶余謂一念轉移正是理

欲闕頭以此見公識力之定已在少年而太夫人不  
動聲色力爲保全尤不可及

乾隆庚戌會試朱文正爲總裁浙江中卷擬定二十  
四本及奉到 欽定中額浙江七名每去一卷輒

爲惋惜時同考王侍御紫宇先生春煦得一卷甚喜

亟爲補薦公問何省曰浙江公曰浙江須去十七本  
一時頗難割愛庸可添乎曰本房見此佳卷不能不  
薦非敢望中欲求欣賞耳公曰如此則留備欣賞可  
耳次日請紫宇先生上堂謂曰昨薦之卷非特十七

卷中無此佳卷卽所留七卷亦未有能勝之者因將

已中之卷易之及填榜則戴簡恪公

啟元也

申文恪公

啟賢

壬戌會試前一月至貢院照牆觀點

名牌適有人先至指公名踴躍歡喜曰得之矣公問以故曰君得毋牌上人乎曰然其人益喜曰尋君十年不調今日相見因詢公廬址曰明日奉訪公心訝之未及問其姓名也次日早起聞人持名帖來曰有一本家求見視之乃宗弟申啟鑣正躊躇間已登堂矣審視卽昨日觀名牌者相與握手交拜畢告公曰

十年前曾夢神人示以欲登甲科須待某人同榜數  
年來每至京會試徧訪各會館並無公名今忽於點  
名牌見之又得遇君同榜定矣言訖大笑相與訂交  
而去是年果同中進士公得翰林啟鑣歸班候選人  
謂夢由心生故有應有不應其偶應者亦不過依稀  
想像未有若此之靈異者也此事文恪爲余言之  
長洲韓桂船尙書封年八歲塾師以校人烹之反命  
曰七字命題公作一破云小人之貪也以口小人之  
詐也亦以口師大加賞異謂封公樂餘先生曰此老

吏斷獄手將來必掌刑名後以乾隆丁酉選拔觀政  
比部歷任封圻入京爲大司寇精於律法中正和平  
爲秋官之最

穆鶴舫相國自言五歲時出天花痘已發出而本原  
過虛化毒無力不能開口飲食者十日矣氣息奄奄  
垂絕因置之地會有道人至門求見闔人曰今日公  
子病重主人恐不能見客道人曰吾此來正爲汝公  
子何拒爲不得已入告太公迎之進卽令看視道人  
曰無妨可先抱起置床上吾能治之顧左右曰此地

有清淨別院乎曰旁有佛堂三間更無人到道人曰  
可矣但門須扃鎖三日後聞吾言方可開公曰諾道  
人入室閉目靜坐夜分相國索飲以乳汁置銀管注  
口中灌之第二日卽能走三日道人開門出已大愈  
矣舉家驚喜呼爲神仙酬以銀幣辭不受謂相國曰  
吾與汝有夙緣後三十年當來看汝相國曰迄今五  
十餘年竟不再來記得道人姓白年約四十餘孑然  
一身並無行李

此事甚奇相國後來位極人臣長樞垣久參密

勿曰道人果係仙人何不再來一次直言以訓之政事或有轉機觀於蔣申甫京兆之疏可爲太息也或定歟歟

劉繼莊通音韻之學

劉獻廷字繼莊大興人精音韻之學嘗作新韻譜其悟自華嚴字母而入而參以天竺陀羅尼蠟頂話小西天梵書暨天方蒙古女真音又證以遼人林益長說而益自信吳修齡曰謂蒼頡以後第一人獻廷不以爲然其法先立鼻音以鼻音爲韻本有開有合



各有陰陽上去入之五音陰陽卽上下二平共十聲而不厯喉腭舌唇齒之七位故有橫轉無直送則等韻重疊之失去矣次定喉音四爲諸韻之宗而後知東西蠟頂話女真國書梵音尙未有精者以四者爲正喉音而從此得半音轉音伏音變喉音又以二鼻音分配之一爲東北韻宗一爲西南韻宗八韻立而四海之音可齊於是以喉音互相合凡得音十七喉音與鼻音互相合得音十又以餘不盡者三合得音五共三十二音爲韻父而韻厯二十二位爲韻母橫

轉各有五子而萬有不齊之聲備於此矣嘗聞泉甲  
夫家有紅毛文字惜不得觀之以證東西蠟頂語之  
異同